

**OGP  
LOCAL**

**ՄՈՆԻԹՐԻՆԳ,  
ՀԱՇՎԵՏՎՈՒԹՅՈՒՆ  
ԵՎ ՌԻՍՈՒՑՈՒՄ  
ՈՒՂԵՑՈՒՅՑ**

**ՏԵՂԱԿԱՆ ԲԱՑ  
ԿԱՌԱՎԱՐՄԱՆ ԳՈՐԾԸՆԿԵՐՈՒԹՅՈՒՆ**



Funded by  
the European Union



Այս ձեռնարկը մշակվել է «Unlocking Progress. Վանաձորի և Գյումրիի ԲԿԳ գործողությունների ծրագրի վերանայում» ծրագրի շրջանակներում, որն իրականացվում է «ՀԿ Կենտրոն» քաղաքացիական հասարակության զարգացման ՀԿ-ի կողմից՝ Բաց կառավարման գործընկերության (ԲԿԳ) աջակցությամբ և Եվրոպական միության ֆինանսավորմամբ:



«ՀԿ Կենտրոն» քաղաքացիական հասարակության զարգացման ՀԿ-ն իր գործունեությունը սկսել է 1994 թվականին, որպես Ամերիկային հայկական համագումարի ծրագիր, ապա 2005 թվականին գրանցվել է որպես տեղական կազմակերպություն:

ՀԿ Կենտրոնը կոչված է մասնակցային ժողովրդավարության կայացմանը՝ քաղաքացու և ինստիտուտների գորեղացմամբ:

# Նախաբան

Բաց կառավարման գործընկերության (ԲԿԳ) գործընթացները հիմնված են թափանցիկության, հանրային մասնակցության և հաշվետվողականության սկզբունքների վրա: Այս սկզբունքների արդյունավետ իրականացումը պահանջում է ոչ միայն հավակնոտ պարտավորությունների ձևավորում, այլև դրանց իրականացման շարունակական մոնիթորինգ, գնահատում և ուսուցման մեխանիզմների ներդրում: Հենց այս նպատակով է մշակվել սույն ուղեցույցը, որը ներկայացնում է ԲԿԳ Տեղական գործընթացներում մոնիթորինգի մարմինների գործունեության հիմնական մոտեցումները, գործառույթները և գնահատման մեթոդաբանությունը:

Ուղեցույցը հիմնված է ԲԿԳ Անկախ Հաշվետվության Մեխանիզմի (ԱՀԿ) կողմից մշակված միջազգային չափանիշների և գործնական մոտեցումների վրա՝ հարմարեցված տեղական համատեքստին և Հայաստանում ԲԿԳ գործընթացների իրականացման փորձին:

Այն նախատեսված է տեղական ինքնակառավարման մարմինների, քաղաքացիական հասարակության կազմակերպությունների, մոնիթորինգ իրականացնող մասնագետների և ԲԿԳ գործընթացում ներգրավված այլ շահակիցների համար՝ որպես գործնական ձեռնարկ՝ համաստեղծման, պարտավորությունների իրականացման և արդյունքների գնահատման գործընթացներում արդյունավետ մասնակցություն ապահովելու նպատակով:

Սույն նյութը նպատակ ունի աջակցել վստահելի, ապացույցների վրա հիմնված և համագործակցային մոնիթորինգի մշակույթ ձևավորելուն՝ նպաստելով տեղական մակարդակում բաց կառավարման բարեփոխումների որակի և ազդեցության բարձրացմանը:

# Մոնիթորինգի մեխանիզմ ձևավորում



## ՆՊԱՏԱԿՆԵՐԻ ՀՍՏԱԿ ՍԱՀՄԱՆՈՒՄ

Մոնիթորինգի մարմինը տեղական շահակիցների համար հաշվետվողականության և ուսուցման կարևոր գործիք է: ԲԿԳ Տեղական ձեռնարկը սահմանում է նվազագույն կանոններ՝ ապացույցների հավաքագրման, համաստեղծման և պարտավորությունների իրականացման գնահատման, ինչպես նաև վերջնական ուսուցման գործընթացի համար:

Մոնիթորինգը և հաշվետվությունը գործողությունների ծրագրի ցիկլի հիմնական մասերն են: Դրանք ապահովում են հաշվետվողականության մեխանիզմ, կարող են օգտագործվել դասեր քաղելու և պարտավորությունների ժամանակին կատարումը խթանելու համար: Գործողությունների ծրագրի ներկայացման պահին ԲԿԳ տեղական անդամները (համայնքները) պետք է ընտրեն Մոնիթորինգի Մարմին, որը կիրականացնի իրենց գործողությունների ծրագրի անկախ գնահատում:

Մոնիթորինգի մարմինը պետք է հստակ իմանա՝ ինչի համար է ստեղծված և ինչ է անելու:

### Այն հիմնականում ծառայում է՝

- հաշվետվողականության ապահովմանը,
- ուսուցմանը և բարելավմանը:



## ՆՊԱՏԱԿՆԵՐԻ ՀՍՏԱԿ ՍԱՀՄԱՆՈՒՄ

Մոնիթորինգի մարմինը կարող է կազմված լինել մեկ անձից, թիմից կամ տարբեր հանրային և մասնավոր կառույցների ներկայացուցիչներից կամ լինել որևէ կառույց: Կարևոր է, որ նրանք ունենան բավարար ժամանակ՝ համակարգելու ԲԿԳ գործընթացում ստեղծվող տեղեկատվությունը, ինչպես նաև իրականացնելու հարցազրույցներ պետական և քաղաքացիական հասարակության ներկայացուցիչների հետ՝ անհրաժեշտ տվյալներ հավաքելու համար: Այս աշխատանքը պետք է իրականացվի չեզոք դիրքից՝ անկախ այն բանից, թե մոնիթորինգ իրականացնողը որ ոլորտից է գալիս:

### Մոնիթորինգի մարմինը կարող է լինել երրորդ կողմ, ինչպիսիք են.

- անկախ վերահսկող կառույց,
- OGP հարթակի ներսում գործող մեխանիզմ (օր.՝ աշխատանքային խումբ),
- գիտահետազոտական կամ ակադեմիական հաստատություն,
- այլ անկախ կառույց՝ տեղական համատեքստին համապատասխան:

Մինևույն ժամանակ, ցանկալի է, որ մոնիթորինգի մարմնի անդամներն ունենան որոշակի հիմնական հմտություններ, որպեսզի կարողանան կատարել իրենց գործառնությունները առանց նախնական երկարատև ուսուցման: Կարևոր է ներգրավել փորձ ունեցող մասնագետների՝ հատկապես հետազոտության, մոնիթորինգի կամ գնահատման ոլորտներում, և հատկապես բաց կառավարման, թափանցիկության կամ կառավարման թեմաներով:

# ՏԵՂԵԿԱՏՎՈՒԹՅԱՆ ՀԱՎԱՔԱԳՐՄԱՆ ԵՎ ՎԵՐԼՈՒԾՈՒԹՅԱՆ ՄԵԹՈԴՆԵՐ

## 1 ՍԿԶԲԵՆԱԿԱՆ ԳՆԱՀԱՏՈՒՄ (Inception Assessment)



Տեղեկատվություն հավաքելու համար կարելի է օգտագործել ինչպես առցանց, այնպես էլ առկա (դեմ առ դեմ) մեթոդներ, օրինակ՝

## 2 ՊԱՐՏԱՎՈՐՈՒԹՅՈՒՆՆԵՐԻ ԱՎԱՐՏԱԿԱՆ ԳՆԱՀԱՏՈՒՄ (End-of-Commitment Assessment)



- առցանց հարցումներ (SurveyMonkey, Google Forms),
- առցանց ձևաթղթեր և օրագրեր (շահակիցների կողմից տեղեկատվություն փոխանցելու համար),
- մոնիթորինգի այցեր (կատարման ընթացքը փաստագրելու համար),
- տարբեր առցանց գործիքներ և հարթակներ՝ կախված գործընթացի փուլից:

Քանի որ ԲԿԳ գործողությունների ծրագրերը հիմնականում բարդ և բազմաշերտ են, մոնիթորինգի մարմինները սովորաբար կիրառում են որակական հետազոտության մեթոդներ:

Սկզբնական գնահատման համար անհրաժեշտ է ուսումնասիրել համաստեղծման պահանջների և առաջարկվող պրակտիկաների իրականացումը, ինչպես նաև առաջին պարտավորությունների ձևավորումը: Վերջնական գնահատման դեպքում պետք է գնահատել պարտավորությունների կատարման աստիճանը և դրանց իրականացման նախնական արդյունքները:

Օգտագործվող մեթոդները կախված են այն ռեսուրսներից և մարդկային կարողություններից, որոնք տեղական կառույցը/համայնքը կարող է հատկացնել մոնիթորինգի մարմնին: ԲԿԳ Տեղական անդամներն իրենք են պատասխանատու ապահովելու անհրաժեշտ պայմաններ, որպեսզի մոնիթորինգի մարմինը կարողանա լիարժեք կատարել իր դերը: Որոնք են համարվում ապացույցներ, այդ մասին կարող ես կարդալ [այստեղ](#):



Մինևույն ժամանակ, OGP տեղական անդամները պատասխանատու են ապահովելու, որ մոնիթորինգ իրականացնող մարմինը ունենա անհրաժեշտ ռեսուրսներ (ֆինանսական, մարդկային, տեխնիկական), որպեսզի կարողանա լիարժեք կատարել իր գործառույթները:

Բացի այդ, կառավարությունը պետք է եռամսյակը մեկ հետևի իրենց առաջընթացին՝ առցանց հետևորդին տրամադրելով պարտավորությունների կատարման վերաբերյալ թարմացված տեղեկատվություն:

Մոնիթորինգի մարմինը պետք է լրացնի գնահատման ձևաչափերը՝ հիմնվելով այս գործընթացում հավաքագրված տվյալների վրա:


## Տեղեկատվության հավաքագրումն ու վերլուծությունը պետք է լինեն՝

### ՀԱՍԱԳՈՐԾԱԿՑԱՅԻՆ

Պետական և քաղաքացիական հասարակության ներկայացուցիչները պետք է հնարավորություն ունենան ներկայացնելու իրենց տվյալներն ու դիտարկումները՝ գործընթացի առաջընթացի և խնդիրների վերաբերյալ:

### ԱՊԱՑՈՒՅՑՆԵՐԻ ՎՐԱ ՀԻՄՆՎԱԾ

Հավաքված տվյալները չպետք է հիմնված լինեն միայն կարծիքների վրա: Անհրաժեշտ է ստուգել վիճահարույց պնդումները տարբեր աղբյուրներով և վերլուծությունը կառուցել փաստերի վրա:



# Մոնիթորինգի հիմնական գործառնությունները



## ՍԿՋԲՆԱԿԱՆ ԳՆԱՀԱՏՈՒՄ

Սկզբնական գնահատումը պետք է ավարտվի ծրագրի ներկայացումից հետո 2 ամսվա ընթացքում:

Սկզբնական գնահատումը նպատակ ունի գնահատել համաստեղծման գործընթացը, ինչպես նաև պարտավորությունների ձևավորման որակը դրանց սկզբնական փուլում: Այս գնահատումը պետք է ավարտվի գործողությունների ծրագրի ներկայացումից հետո երկու ամսվա ընթացքում:

Սկզբնական գնահատման ձևաչափն անգլերեն հասանելի է [այստեղ](#):

Մոնիթորինգի մարմինները պետք է իրականացնեն երեք հիմնական գնահատում՝ տեղական անդամների պարտավորությունների իրականացման արդյունավետությունը գնահատելու համար՝ հիմնվելով ԲԿԳ Տեղականի կողմից տրամադրված ձևաչափերի վրա .

1. Սկզբնական գնահատում (Inception Assessment)
2. Պարտավորությունների ավարտական գնահատում (End-of-Commitment Assessment)
3. Վերջնական ուսուցման վերլուծություն (Final Learning Exercise)



## Մասնավորապես, սկզբնական գնահատումը կգնահատի հետևյալ տարրերը՝

1. Համաստեղծման պահանջներին և առաջարկություններին համապատասխանության աստիճանի գնահատում կենտրոնանալով հետևյալ չափանիշների վրա.

- Երկխոսության և համաստեղծման համար տարածքներ և հարթակներ (տե՛ս անգլերեն ձեռնարկի 3.3.1 բաժինը՝ նվազագույն պահանջների մանրամասն բացատրության համար):
- Երկխոսության շարունակականություն:
- Տեղեկատվության տարածում (տե՛ս անգլերեն ձեռնարկի 3.3.2 բաժինը՝ առաջարկվող գործելակերպերի մանրամասն բացատրության համար):



2. Պարտավորությունների բնութագրերի գնահատում համաձայն հետևյալ չափանիշների.

- Համապատասխանություն ԲԿԳ թափանցիկության, հաշվետվողականության և հանրային մասնակցության արժեքներին (անգլերեն տարբերակն այստեղ):

Հայերենը հասանելի է Հավելված 1-ում:

- Պարտավորությունների ստուգելիություն (անգլերեն տարբերակն այստեղ):

Հայերենը հասանելի է Հավելված 2-ում:

- Պարտավորությունների հնարավոր ազդեցություն:



### Գնահատումը պետք է ապահովի.

- Պահանջներին համապատասխանության աստիճանը,
- Համաստեղծման առաջարկություններ,
- Սկզբնական պարտավորությունների նախագծումը կամ բնութագրերը:

# ՊԱՀԱՆՋՆԵՐ

## ԲԱԶՄԱՇԱՀԱԿԻՑ ՖՈՐՈՒՄ (ՀԱՐՑԵՐ 1.1, 1.2 ԵՎ 1.3)

ԲԿԳ Տեղականի ձեռնարկի համաձայն՝ տեղական ինքնակառավարումը պետք է ստեղծի մասնակցային հարթակ՝ կառավարության և ոչ կառավարական շահակիցների ներգրավմամբ՝ գործողությունների ծրագրի մշակման և վերանայման համար:

### Բազմաշահակից ֆորումը պետք է ունենա հետևյալ նվազագույն հատկանիշները.

- **Ֆորումի առկայություն.** գոյություն ունի հարթակ, որտեղ շահակիցները ընկալում են պարտավորությունների կատարման ընթացքը,
- **Բազմաշահակից լինելը.** գործընթացին կարող են մասնակցել քաղաքացիական հասարակությունը և այլ ոչ կառավարական շահակիցներ,
- **Կանոնավորություն.** կազմակերպվել է առնվազն մեկ հանդիպում՝ կառավարության և ՔՀԿ-ների մասնակցությամբ՝ գործողությունների ծրագիրը մշակելու համար:

## ՈՉ ԿԱՌԱՎԱՐԱԿԱՆ ՇԱՀԱԿԻՑՆԵՐԻ ԿՈՂՄԻՑ ՀԱՍՏԱՏՈՒՄ (ՀԱՐՑ 1.4)

ԲԿԳ Տեղականի կանոնների համաձայն՝ գործողությունների վերջնական ծրագիրը պետք է հաստատվի ոչ կառավարական շահակիցների կողմից: Կառավարությունը պետք է ներկայացնի այդ շահակիցների ցանկը: Մոնիթորինգի մարմինը պետք է ստուգի՝ փաստերով կամ հարցազրույցներով, թե արդյոք շահակիցները հաստատել են ծրագիրը մինչև դրա ներկայացումը ԲԿԳ:

## ԱՌԱՋԱՐԿՎՈՂ ՊՐԱԿՏԻԿԱՆԵՐ

Ստորև աղյուսակում ներկայացված են Բաց կառավարման գործընկերության (ԲԿԳ) գործընթացում հանրային մասնակցության և համագործակցության ապահովման հիմնական չափանիշները, ներառյալ տեղեկատվության հասանելիությունը, շահակիցների նախնական իրազեկումը, ներառական մասնակցությունը, հետադարձ կապի տրամադրումը և կառավարության ու քաղաքացիական հասարակության միջև համագործակցության մակարդակը: Աղյուսակը նաև ներառում է մոնիթորինգի մարմնի կողմից կիրառվող գնահատման հիմնական մոտեցումները և համաստեղծման փուլի գնահատման հարցաշարի համապատասխան հարցերի համարները, որոնց համար կիրառելի է այդ տեղեկատվությունը:

| Թեմա                               | Հիմնական պահանջ  | Սոնիթորինգի մարմնի գնահատման չափանիշ   | Հարց |
|------------------------------------|--|--|------|
| Կայք կամ վեբ էջ                    | Տեղական անդամները կարող են ընտրել ցանկացած հարթակ՝ ԲԿԳ գործընթացի մասին տեղեկատվություն հրապարակելու համար: Այն պետք է լինի հասանելի և հեշտ օգտագործվող:   | Ստուգել, որ՝ 1) կայքը հասանելի է առանց սահմանափակումների, 2) հրապարակված է ԲԿԳ գործընթացի մասին տեղեկատվություն (հանրային քննարկումներ, ֆորում, պարտավորությունների իրականացում և այլն), 3) տեղեկատվությունը թարմացվում է առնվազն յուրաքանչյուր 4 ամիսը մեկ: | 2.1  |
| Նախնական տեղեկատվության տրամադրում | Կառավարությունը պետք է նախապես տեղեկացնի շահակիցներին ԲԿԳ գործընթացի մասին, որպեսզի նրանք կարողանան պատրաստված մասնակցել:                                  | Գնահատել՝ արդյոք մինչև հանդիպումները կառավարությունը տրամադրել է անհրաժեշտ տեղեկատվություն շահակիցներին:   | 2.2  |
| Ներառականություն                   | Պետք է ապահովվի բոլոր շահագրգիռ անձանց մասնակցության հնարավորությունը գործողությունների ծրագրի մշակման գործընթացում:                                       | Գնահատել՝ արդյոք ստեղծվել են մասնակցային հարթակներ (հանրային քննարկումներ, հանդիպումներ և այլն) քաղաքացիների և ԶՀԿ-ների համար:   | 2.3  |
| Հետադարձ կապ                       | Կառավարությունը պետք է տեղեկացնի շահակիցներին որոշումների, գործողությունների և արդյունքների մասին և ցույց տա, թե ինչպես են հաշվի առնվել նրանց առաջարկները: | Անհրաժեշտության դեպքում իրականացնել հարցազրույցներ շահակիցների հետ՝ պարզելու, թե արդյոք ապահովվել է բավարար հետադարձ կապ:  | 2.4  |
| Համագործակցություն                 | Կառավարությունն ու ոչ կառավարական շահակիցները պետք է համատեղ աշխատեն առաջնահերթությունների սահմանման և պարտավորությունների մշակման ուղղությամբ:            | Գնահատել՝ արդյոք ծրագրի մշակման ընթացքում եղել է իրական և արդյունավետ համագործակցություն: Լավ փորձ են համարվում համատեղ քննարկումները, հանդիպումները և առցանց գործիքների կիրառումը՝ լայն մասնակցություն ապահովելու նպատակով:                                 | 2.5  |

## ՊԱՐՏԱՎՈՐՈՒԹՅՈՒՆՆԵՐԻ ՁԵՒԱՎՈՐՄԱՆ ԳՆԱՀԱՏՈՒՄ

ԲԿԳ Տեղական անդամի ձեռնարկի համաձայն՝ մոնիթորինգի մարմինը գնահատում է առաջին պարտավորությունների ձևավորումը՝ հետևյալ չափանիշներով.

- պարտավորությունների ստուգելիություն,
- համապատասխանություն բաց կառավարման արժեքներին (թափանցիկություն, հաշվետվողականություն, հանրային մասնակցություն),
- արդյունք ապահովելու ներուժ:

| Թեմա  | Հիմնական պահանջ   | Մոնիթորինգի մարմնի գնահատման չափանիշ  | Հարց         |
|---|---|---|--------------|
| Պարտավորության ստուգելիություն                | Պարտավորությունը համարվում է ստուգելի, եթե դրա նպատակներն ու գործողությունները հստակ են և հնարավոր է գնահատել դրանց իրականացումը: | Գնահատել՝ արդյոք նախատեսված քայլերն ունեն հստակ և ստուգելի արդյունքներ (output) և չափելի ազդեցություն (outcome), որը հնարավոր է գնահատել իրականացման ավարտին:   | 3.1.1        |
| Համապատասխանություն բաց կառավարման արժեքներին | Պարտավորությունները պետք է նպաստեն թափանցիկությանը, հանրային մասնակցությանը կամ հաշվետվողականությանը:                             | Պարզել՝ արդյոք պարտավորությունը նպաստում է 1) թափանցիկության բարձրացմանը, 2) քաղաքացիների մասնակցության հնարավորությունների ստեղծմանը կամ բարելավմանը, 3) պաշտոնյաների գործողությունների նկատմամբ վերահսկողության և հաշվետվողականության ապահովմանը: | 3.1.2        |
| Նորարարություն և արդյունքի ներուժ             | Պետք է գնահատել՝ արդյոք պարտավորությունը նոր է, թե շարունակություն արդեն գոյություն ունեցող քաղաքականության կամ նախաձեռնության:   | Գնահատել պարտավորության արդյունք ապահովելու ներուժը և այն, թե որքանով այն կարող է իրական փոփոխություն բերել տվյալ ոլորտում համեմատած առկա իրավիճակի հետ:  | 3.1.3, 3.1.4 |
| Պարտավորության ստուգելիություն                | Պարտավորությունը համարվում է ստուգելի, եթե դրա նպատակներն ու գործողությունները հստակ են և հնարավոր է գնահատել դրանց իրականացումը: | Գնահատել՝ արդյոք նախատեսված քայլերն ունեն հստակ և ստուգելի արդյունքներ (output) և չափելի ազդեցություն (outcome), որը հնարավոր է գնահատել իրականացման ավարտին:   | 3.1.1        |

Պարտավորության ավարտական գնահատումը պետք է իրականացվի յուրաքանչյուր պարտավորության ավարտից հետո 1 ամսվա ընթացքում:

## ՊԱՐՏԱՎՈՐՈՒԹՅԱՆ ԱՎԱՐՏԻ ԳՆԱՀԱՏՈՒՄ

Պարտավորության ավարտի գնահատումը անդրադառնում է յուրաքանչյուր առանձին պարտավորության արդյունքներին՝ դրա լիարժեք իրականացումից հետո կամ գործողությունների ծրագրի ավարտին. որն ավելի շուտ է տեղի ունենում: Պարտավորության արդյունքների այս կարճ գնահատումը պետք է ներկայացվի առցանց հարթակում: Պարտավորության ավարտի գնահատումը պետք է ներկայացվի պարտավորության իրականացումից մեկ (1) ամիս անց:

Մասնավորապես, գնահատումը պետք է անդրադառնա՝

- Կատարման մակարդակին (Հայերենը հասանելի է Հավելված 3-ում),
- պարտավորության իրականացման միջանկյալ արդյունքներին և վերջնարդյունքներին:

Պարտավորության գնահատման հարցաթերթն այստեղ:

### Կատարման աստիճան (հարց 1.1)

Մոնիթորինգի մարմինը պետք է գնահատի, թե պարտավորությամբ նախատեսված գործողությունները որքանով են իրականացվել՝ հիմնվելով ստուգելի և օբյեկտիվ փաստերի վրա: Հիմնական հարցը հետևյալն է՝ որքանով է իրականացվել տվյալ պարտավորությունը նախատեսված ժամանակահատվածում:

Գնահատման համար կարող են կիրառվել նաև հետևյալ հարցերը.

- Ի՞նչ առաջընթաց է գրանցվել առաջին տարվա ընթացքում,
- Արդյոք պարտավորությունը կատարվել է նախատեսված ժամկետում,

## ՊԱՐՏԱՎՈՐՈՒԹՅՈՒՆՆԵՐԻ ԻՐԱԿԱՆԱՑՄԱՆ ԳՆԱՀԱՏՈՒՄ

- Ի՞նչ ապացույցներ կան իրականացման վերաբերյալ,
- Ի՞նչ ապացույցներ կան իրականացման վերաբերյալ,
- Ի՞նչ է ասում կառավարությունը,
- Ի՞նչ են ասում ոչ կառավարական շահակիցները և որքանով են տարբեր կարծիքները:

Այս տվյալների հիման վրա մոնիթորինգի մարմինը պետք է ընտրի հետևյալ տարբերակներից մեկը.

- Չի սկսվել,
- Սահմանափակ իրականացում,
- Չգալի իրականացում,
- Լիովին կատարված,
- Չեղարկված:

# ՎԵՐՋՆԱԿԱՆ ՈՒՍՈՒՄՆԱԿԱՆ ՎԱՐԺՈՒԹՅՈՒՆ

Վերջնական ուսուցման վարժությունը պետք է իրականացվի ծրագրի ավարտից հետո 2 ամսվա ընթացքում:

Վերջնական ուսուցման վարժությունը նպատակ ունի ամփոփել և վերլուծել ստացված փորձը:

Այն պետք է օգտագործի ինչպես սկզբնական, այնպես էլ ավարտական գնահատումների տվյալները և դրանց հիման վրա ներկայացնի ամբողջ ծրագրի պատկերն՝ սկզբից մինչև վերջ:

## Հաշվետվությունում պետք է ընդգծվեն՝

- ծրագրի հաջողությունները
- բարելավման կարիք ունեցող ոլորտները

Այս գործընթացը ոչ միայն գնահատում է կատարված աշխատանքը, այլ նաև օգնում է հասկանալ, թե ինչ փոփոխություններ և արդյունքներ են ստացվել բարեփոխումների և համատեղ աշխատանքի արդյունքում:

Բացի այդ, այն կարող է անդրադառնալ նաև այն դեպքերին, երբ առաջընթաց չի գրանցվել՝ բացատրելով պատճառները և առաջարկելով հետագա լուծումներ:


Վերջնական ուսումնական վարժությունը և վարժությունից քաղված դասերն ու հետագա քայլերը ամփոփող զեկույցը պետք է իրականացվեն և ներկայացվեն առցանց գործողությունների ծրագրի ավարտից երկու (2) ամիս անց:

Վերջնական ուսուցման գործընթացի լրացման ձևաչափը հասանելի է [այստեղ](#):



# Վերջնական ուսուցման գործընթացի ձևավորման առաջարկություններ

ԲԿԳ տեղական անդամները ազատ են ընտրելու, թե ինչպես են իրականացնում վերջնական ուսուցման գործընթացը: ԱՀՄ-ը առաջարկում է, որ մոնիթորինգի մարմինը ձևավորման ընթացքում հաշվի առնի հետևյալ հարցերը.



Այս հարցերը օգնում են հստակ ձևավորել վերջնական ուսուցման գործընթացի ձևը: ԱՀՄ-ը նաև խորհուրդ է տալիս նախապես ներկայացնել գեկույցի կառուցվածքը, որպեսզի շահակիցները կարողանան իրենց կարծիքները ձևավորել ավելի հստակ շրջանակում: Այս փուլում բնական է, որ տարբեր կողմեր կարող են ունենալ տարբեր կարծիքներ հաջողությունների և դժվարությունների վերաբերյալ, ինչը կարող է առաջացնել նաև տարաձայնություններ: Սակայն այս գործընթացը հնարավորություն է տալիս համադրել տարբեր տեսակետներ և հստակեցնել, թե ինչ է տեղի ունեցել իրականացման ընթացքում հիմնվելով փաստերի վրա:

Վերջնական ուսուցման գործընթացը կարող է կենտրոնանալ հետևյալ ուղղությունների վրա .

- առաջացած խնդիրներն ու խոչընդոտները,
- պարտավորությունների իրականացման ուժեղ կողմերն ու արդյունքները,
- դասերն ու առաջարկությունները՝ ապագա գործողությունների ծրագրերի համար,
- քաղաքական կամ կառավարման փոփոխությունների առաջարկներ՝ նման խնդիրների լուծման համար:

## **Ամփոփ գեկույցի պատրաստման առաջարկություններ**

Վերջնական ուսուցման գործընթացից հետո մոնիթորինգի մարմինը պետք է պատրաստի ամփոփ գեկույց, որը կներկայացնի հիմնական դասերն ու հետագա քայլերը:

ԱՀՄ-ը խորհուրդ է տալիս, որ առնվազն պատրաստվի՝

- 1-2 էջանոց ամփոփում՝ ամենակարևոր արդյունքներով և եզրակացություններով,
- առաջարկներից բաղկացած աղյուսակ՝ հետագա քայլերի համար:

# Վերջաբան

ԲԿԳ գործընթացների արդյունավետ իրականացումը հնարավոր է միայն այն դեպքում, երբ մոնիթորինգը, հաշվետվողականությունը և ուսուցումը դիտարկվում են որպես փոխկապակցված և շարունակական գործընթացներ: Անկախ, օբյեկտիվ և ապացույցների վրա հիմնված գնահատումը հնարավորություն է տալիս ոչ միայն արձանագրել կատարված աշխատանքը, այլև հասկանալ դրա իրական ազդեցությունը, բացահայտել առկա խնդիրները և մշակել բարելավման ուղղություններ:

Սույն ուղեցույցը նպատակ ունի աջակցել տեղական ինքնակառավարման մարմիններին, քաղաքացիական հասարակությանը և մոնիթորինգ իրականացնող կառույցներին՝ ձևավորելու առավել մասնակցային, թափանցիկ և արդյունավետ ԲԿԳ գործընթացներ: Այն նաև կարևոր գործիք է՝ խթանելու համագործակցությունը կառավարության և հասարակության միջև, ամրապնդելու փոխադարձ վստահությունը և ապահովելու, որ բաց կառավարման հանձնառությունները վերածվեն իրական և չափելի փոփոխությունների համայնքային մակարդակում:

Ուղեցույցում ներկայացված մոտեցումների և գործիքների կիրառումը կարող է նպաստել ոչ միայն գործողությունների ծրագրերի որակյալ իրականացմանը, այլև երկարաժամկետ ինստիտուցիոնալ ուսուցման և կայուն բարեփոխումների մշակույթի ձևավորմանը:

# Հավելված 1

## Համապատասխանություն (Relevance)

ԲԿԳ (Բաց կառավարման գործընկերություն) կառավարման կանոնադրության համաձայն՝ ԲԿԳ պարտավորությունները պետք է ունենան բաց կառավարման հստակ ուղղվածություն: Մասնավորապես, դրանք պետք է նպաստեն ԲԿԳ հիմնական արժեքներից առնվազն մեկին՝ թափանցիկությանը, հանրային մասնակցությանը և/կամ հանրային հաշվետվողականությանը:

Գործողությունների ծրագրի ներկայացումից հետո ԲԿԳ Անկախ Հաշվետվության Մեխանիզմը (ԱՀՄ) օգտագործում է «Արդյո՞ք այն ունի բաց կառավարման ուղղվածություն» ցուցիչը՝ յուրաքանչյուր պարտավորության համապատասխանությունը գնահատելու համար՝ Գործողությունների ծրագրի վերանայման շրջանակում:

ԲԿԳ երեք հիմնական արժեքների՝ թափանցիկության, հանրային մասնակցության և հանրային հաշվետվողականության առավել մանրամասն սահմանումները ներկայացված են ԲԿԳ արժեքների ուղեցույցում (OGP Values Guidance Note):

Նշում. ներառականություն, ինչպես նաև տեխնոլոգիաների և նորարարության կիրառումը նույնպես կարևոր արժեքներ են ԲԿԳ գործողությունների ծրագրերի համար, սակայն դրանք պետք է իրականացվեն վերը նշված երեք հիմնական արժեքներից առնվազն մեկի հետ համատեղ:



ԱՀՄ-ը որոշում է՝ արդյոք պարտավորությունն ունի բաց կառավարման ուղղվածություն, պարտավորության տեքստի մանրամասն ուսումնասիրության ուսումնասիրության միջոցով՝ պատասխանելով հետևյալ հարցին .

**Արդյո՞ք պարտավորությունը նպատակ ունի քաղաքականության ոլորտը, հաստատությունները կամ որոշումների կայացման գործընթացը դարձնել ավելի թափանցիկ, մասնակցային կամ հաշվետու հանրության նկատմամբ:**

# Հավելված 2

## Ստուգելիություն (Verifiability)

ԲԿԳ պարտավորությունները պետք է լինեն բավարար չափով հստակ և կոնկրետ, որպեսզի հնարավոր լինի գնահատել դրանց իրականացման առաջընթացը: Ստուգելի պարտավորությունները ներառում են հստակ գործողություններ, որոնք հնարավոր է մոնիթորինգի ենթարկել:

Գործողությունների ծրագրի ներկայացումից հետո ԲԿԳ Անկախ Հաշվետվության Մեխանիզմը (ԱՀՄ) օգտագործում է «Ստուգելիություն» ցուցիչը՝ յուրաքանչյուր պարտավորության ստուգելիությունը գնահատելու համար՝ Գործողությունների ծրագրի վերանայման շրջանակում:

2021 թվականից սկսած ԱՀՄ-ը պարտավորությունների ստուգելիությունը գնահատում է հետևյալ չափանիշներով.

- **Ստուգելի (Verifiable)** – Պարտավորությունը բավարար չափով հստակ է գնահատման համար: Գործողությունների ծրագրում ներկայացված նպատակներն ու առաջարկվող գործողությունները ձևակերպված են հստակ և ներառում են օբյեկտիվորեն ստուգելի գործողություններ, որոնց միջոցով հնարավոր է գնահատել իրականացումը:
- **Անստուգելի (Not verifiable)** - Պարտավորությունը բավարար չափով հստակ չէ գնահատման համար: Գործողությունների ծրագրում ներկայացված նպատակներն ու առաջարկվող գործողությունները բավարար հստակություն չունեն և չեն ներառում բացահայտ ստուգելի գործողություններ, որոնց միջոցով հնարավոր չի գնահատել իրականացումը:

ԱՀՄ-ը անստուգելի պարտավորությունները համարում է «չգնահատվող» (not reviewable) և չի իրականացնում դրանց հետագա գնահատում:

Նախորդ տարիներին միջին կամ բարձր «կոնկրետություն» (specificity) ունեցող պարտավորությունները համարվում էին ստուգելի:

# Հավելված 3

## Կատարման աստիճան (Completion)

Պարտավորությունների ազդեցությունն ապահովելու համար կարևոր է, որ իրականացնող կողմերը լիարժեք կատարեն ստանձնած հանձնառությունները: Յուրաքանչյուր պարտավորության համար ԲԿԳ Անկախ Հաշվետվության Մեխանիզմը (ԱՀՄ) գնահատում է, թե ինչ չափով են իրականացվել պարտավորությամբ նախատեսված գործողությունները:

**ԱՀՄ-ը այս տեղեկատվությունն արտացոլում է «Կատարման աստիճան» (Completion) ցուցիչի միջոցով, որը գնահատվում է հինգ աստիճան սանդղակով.**

- Ապացույցներ չկան (No Evidence Available)
- Չի սկսվել (Not Started)
- Սահմանափակ իրականացում (Limited)
- Չգալի իրականացում (Substantial)
- Լիովին կատարված (Complete)

ԲԿԳ տվյալների վերլուծության նպատակով «Չգալի իրականացում» և «Լիովին կատարված» գնահատական ստացած պարտավորությունները համարվում են բարձր կատարման մակարդակ ունեցող պարտավորություններ: ԱՀՄ-ը պարտավորությունների կատարման աստիճանը գնահատում է գործողությունների ծրագրի ավարտից չորս ամիս անց՝ Արդյունքների հաշվետվության (Results Report) շրջանակում:

